


國朝耆獻類徵初編



明倫彙編
家範典
卷一百一十五



國朝耆獻類徵初編卷三百十九目錄

將帥五十九

額爾古倫

桂涵

玉麟

劉廷斌

明禪

富永

覺羅八十

富兆

色爾滾

闊凌阿

國勒明阿

蘇布通阿

關防圖

國傳便圖

城市圖

撥照八十

宮兆

色新

隆慶錄

明報

新本

隆慶古命

封爵

正德

御制五十六

國朝書目類例卷三

國朝耆獻類徵初編卷三百十九



通奉大夫前署江西巡撫江西布政使司布政使湘陰李桓輯

將帥五十九

額爾古倫

額爾古倫伊拉哩氏錫伯營鑲紅旗人伊犁駐防嘉慶四年由領
催補驍騎校八年洊升佐領十六年授副總管十九年補總管道
光五年出征喀什噶爾六年六月逆裔張格爾糾眾圍城內外梗
塞額爾古倫帶兵衝出重圍退回阿克蘇奉 旨革職隨營效力
贖罪八月賊圍葉爾羌各路官兵赴援 上以額爾古倫所帶之
兵人馬疲乏器械不全難期得力俟大兵到時再令隨同進剿尋

敗賊於渾巴什河殲獲甚眾捷入 諭曰額爾古倫與賊交仗奮
力向前斃賊一百餘名額爾古倫從喀什噶爾退回前經降旨令
其效力贖罪此次著長清等存記如更有出力之處再行奏請施
恩九月賊由托什罕過河圍協領都倫布營額爾古倫偕副將郭
繼昌親率馬隊衝開賊圍兩面夾擊賊潰殲三百餘名戮賊首和
卓庫爾班素皮 上以額爾古倫戴罪自贖兩次斃賊多名以防
禦補用十一月張逆復糾匪黨數千踞柯爾坪回莊阻大兵進剿
之路額爾古倫帶兵迎擊遇賊匪二百餘名我師分路抄截追至
大郝紫卡倫殲其眾奏入 諭曰額爾古倫此次剿辦甚爲出力
以佐領升用七年四月逆匪自沙布都爾莊痛剿後復糾眾十餘

萬在阿瓦特回莊負嵎抗拒大軍分爲兩翼左右兜擊賊復據岡
迎敵額爾古倫奮勇奪岡分投追殺大敗之 上嘉其奮勇開復
原官賊於渾河之南岸阻河列陣我兵乘夜躡渡直壓賊壘賊披
靡參贊大臣楊遇春扼回城要隘額爾古倫偕固原提督楊芳等
率馬步官兵分圍四面賊眾拚死抵禦我兵奮勇衝入克復喀城
張逆遁大兵追之時安集延賊目愛瑪爾阿里及喀什噶爾賊目
玉努斯帶領馬賊並情蘭回眾千餘盤踞和闐額爾古倫以精兵
往剿抵毘拉滿地方遇賊數千我軍四路夾擊敗之 賞恆勇巴
圖魯名號八年正月張逆奔喀爾鐵蓋山額爾古倫等領兵追捕
殲斃餘匪多名賊棄馬登山我兵併力窮追直躡山巔生擒張逆

捷入得 旨賞副都統銜六月 命紫光閣繪像 御製贊曰錫
伯總管逃出重圍贖罪思奮軍令敢違立功鐵蓋執訊以歸棱棱
霜氣𦏧𦏧風威八月補喀什噶爾幫辦大臣會禁絕浩罕通商新
定布噶爾貿易章程 上命認真稽查以杜影射冒混之弊九年
六月調署英吉沙爾領隊大臣九月以喀什噶爾額設卡倫照顧
仍恐未周請於喀浪圭圖舒克塔什烏帕拉三卡倫修建兵房各
派千總一員帶兵百名駐守又請於每卡專派驍騎校一員帶兵
巡緝設立傳牌輪查各卡奏入 上嘉納之十年二月調伊犁領
隊大臣八月逆回復行滋擾喀什噶爾英吉沙爾二城被圍經伊
犁將軍玉麟派隨參贊大臣容安馳往救援嗣因容安遷延失機

治罪如律額爾古倫議褫職 上以額爾古倫係聽容安調遣加恩改爲革職畱任旋偕甘肅提督胡超帶兵援剿屢戰有功十一年調喀什噶爾領隊大臣十二年正月揚威將軍長齡以額爾古倫調任喀什城有管理回務訓練兵丁之責非本駐防地方可比奏請開復處分 允之十二月卒

右 國史館本傳

古 國史館本

前開更與公 伏乞十二日卒

前開王都知自營與回務臨縣天丁之實非本軍部與六同知

平關者什以爾與利大百十二半五月與知將軍是議以陳爾古

恩近與革無與王與爾甘爾與曾與沙爾與與陳爾與與沙爾

命罪與與爾古與爾與與 王以爾與古與爾與與與與與與

桂涵

桂涵四川東鄉人嘉慶元年川省教匪滋事青號賊首徐添德白號賊首王三槐等犯東鄉涵以鄉勇應募隨四川總督英善軍營效力十一月剿賊於罐子山以連有斬獲給外委頂帶十二月涵率義勇剿賊於張家觀普子嶺馬鞍山等處累戰皆捷英善上其功賞六品頂帶賊銜涵甚二年正月復犯罐子山焚劫涵所居村堡涵擊敗之賊轉掠冉家壩天星橋涵設伏邀其歸路俟賊過突起擊之追斬三百餘名給行營千總時徐添德大股駐金義寺爲官軍所圍經月無所掠食糧且盡欲由尖山隘口西竄二月涵率義勇截剿遇賊於明月壩斬三百餘級賊走據香鑪坪三月四

川總督宜縣檄涵屯守洋列子隘口洋列子距香鑪坪近涵日率數十人登高阜覘賊伺賊出營樵汲輒發火槍遙擊賊近卽率眾截殺前後斬馘多名五月賊渡落尾河河水方漲涵以兵蹙之斬溺無算復戰於冉家壩譚家觀殲賊千人徐添德之黨幾盡涵親族同里聞涵累捷赴大營投充鄉勇者甚眾內大臣德楞泰將軍明亮卽令涵統之名涵字號義勇六月隨官軍擊斬賊首孫士鳳於淨土寺殲斃數千名又敗餘賊於天星橋敘功 賞戴藍翎拔補黎雅營右哨千總十一月白號賊羅其清藍號賊冉文儒等合眾犯營山經官軍擊退賊走譚家嶺三溪口涵偕忠州知州劉清及武生冉子明等分三路躡剿擒斬五百餘名羅其清走來定寺

十二月涵等追敗之三年三月隨川北鎮總兵朱射斗剿賊於巴州之插旗山擒斬一百餘名四月羅其清退據鯉魚嘴涵隨官軍追擊賊營於山巔深箐中沿坡設滾木礮石守禦甚備官軍仰攻士卒多傷涵率義勇分由石洞溝猴兒嶺閒道攀援而上直撲賊卡賊驚擾官軍乘之斬三百餘名涵被重傷猶裹創力戰相持至日暮始斂兵退六月王三槐率眾犯東鄉太平遇官軍折而東追及於楊子嶺賊方渡河官軍先自下游躡渡繞出賊前而涵率義勇從後夾擊斬四百餘名十一月剿白號賊冷添祿於雲陽之安樂坪賊糧盡詐降涵偵知之預伏兵於方家壩魚鱗口賊夜至伏發斬賊二百餘東鄉賊匪謝萬青復糾合零匪數百人據開縣之

貓兒寨爲官軍擊走涵隨參將褚大榮胡尙賢星夜追躡及於三
寶山賊竄匿深林涵等分三路搜捕斬萬青黨眾俱盡捷聞擢
建昌鎮越嶺營中軍守備十二月勦賊於手把巖涵偕守備薛升
夜斫賊營手刃守卡賊匪攀柵而入斬八十餘名生擒賊目劉寅
兒等四年二月勦賊於長壽之雲臺鋪達州之雷音鋪太平之鐵
礦壩開縣之蘆花嶺等處俱有斬獲三月敗黃號賊龍紹周於太
平之修溪壩徐添德由川竄陝經略大臣勒保檄副都統德楞泰
統大隊追躡飭涵率義勇由閒道出賊前夾擊敗賊於通天觀四
月復擊徐添德於明通井王家壩新開場連敗之五月追賊至陝
西平利之四季河擒賊目張仕達降僞總兵顧應全又勦賊於平

山之八十坪降僞總兵張宗泰六月隨朱射斗勦藍號賊包正洪
於蘆花嶺斬之四川總督勒保以 聞 賞換花翎七月勦擒賊
首龔其位願三聘於八十坪斬四百餘名八月進勦賊首龔建於
貓兒寨九月黃號賊樊人傑等自雲陽竄開縣涵隨四川提督七
十五追及於火峯寨賊眾據險拒守官軍分道攻克賊首龔建突
陣欲走涵擒以獻捷入 命以都司升用徐添德率眾圍夔州府
急涵會朱射斗等援之戰於蓮花寺擒斬八百餘名獲賊目李思
貴欲解大營正法思貴乞招賊以自贖涵縱之思貴旋同賊渠李
其倉劉全德並其黨四百餘人詣經略額勒登保軍門降十月隨
額勒登保追藍號賊張漢潮行次楊柳池遇白號賊鮮大川藍號

賊王士虎涵所統兵少賊圍數重鏖戰良久突圍出大兵踵至會合擊賊斬數百名旋復敗賊於巴州之鷹背場擒斬二千有奇十一月剿青號賊王登廷於通江之東君壩偵賊營無備天未曙卽率兵薄之賊大亂登廷就擒並獲僞總兵王文奇旋補維州協左營都司五年正月敗賊於蓬溪之高院壩三月又敗賊於劍州江口擒斬數百名赴水死者甚衆獲羸馬無算尋剿白號賊高二馬五於江油之桂溪場敗之賊竄平武四月冉文儔犯象龍寨官兵擊破之賊乘夜撲營復爲官軍所敗涵率兵追至懶板凳擒賊目符得恆是時賊被官軍搜捕急遁入老林我兵復蹙之賊窘甚閏四月將由徑嶺竄逸脅守卡團勇俾讓路以出四川提督勒保令

涵易服僞爲團勇讓路狀賊前隊至麾眾出不意擊之擒斬七十
餘名餘皆墮澗死六月剿賊於新甯之關山關擒斬數百名七月
敗白號賊楊開甲齊國典於鄰水之七孔溪又敗鮮大川於大竹
之姚家巖敘功升靖遠營遊擊八月隨七十五剿黃號賊王國賢
於開縣之溫塘井擒斬二千餘名十一月東鄉開縣零匪竄至肩
子山涵帶兵躡賊追及於梁山大竹連界之養白兔山梁盡殲之
擒僞先鋒符大成六年正月搜逸賊於柏林槽誅戮殆盡又敗賊
王士虎苟文明於閬中之碑灣寺二月追至開縣之土龍堰又敗
之三月白號賊湯思蛟遣其黨唐大魁馬思貴僞總兵龐姓僞先
鋒冉姓等分路滋擾涵擊唐大魁於猴兒巖擒之盡戮其眾四月